

Elitarkat

Ircaqum naullutii qavcinun atauq ircaqum tunginun. United States-aami, tusnguaq amillenruluteng atauciq yaavet qulnun taqnernun (Yuinatq qula cipluku milicaaq) cali ciuqliuluni tuqucillra yugnek yulgutkenrilnguut-llu (pinaqruterluni ataucimun cetamaq tekilluku).

Caliivik Calricaranek

Cauga ircaqum naullutii?

Ircaqum naullutii nallqicimauq qaillun ircaqum ayuqellra. Una augem ayallra ircaqum naullutii ciuqliuluni naullutenguuq. Allat naullutet ircaqum nutngacurlallra, aruliallra, alqunaqallra, wall' augem ayagyaraa.

Ircaqum naullutii nateqesciigaciiquq yuk ircaquminek arenqialliqkan. Makut nallunaiciqut:

- **Ircaqum alqunaaqallra:** Aknirnaqluni qatgaq, tunum qulirnera wall' uyaqum, qertuneq, keliurciq, meryalngualuni wall' meryaraaluni, ayalngualuni, temem quleqlia, ayalngualuni, anerneqluni.
- **Ircaqum arulailra:** Anerniqluni, cayumiinani, wall' puvluteng itgat, cingilrek, iruk, caniqaq, wall' uyaqum taqra.
- **Nutngacurlallra ircaqum:** Qatgavkun elpekluku (nutngacurlallra)



Kina arenqiallugciiqa?

Augem quyllra, ircaqum uqungellra, cali kuingiq arenqiallugutnguut ircaqum naullutiinun. Avgit taqneret United States-ami pingqertut matumek ircaqum naullutiinek.

Allat naullutet cali qailluqtaallra arenqiallugtevsiaciqaten:

- Augem saaralaa
- Taangam atullra
- Neruralleq tememun assinrilngnek
- Caksaunani-llu uitaurturalleq
- Uqungessiyalleq anagarulluni-llu uqurissiyalleq

Arenqiallugciquten ircaqum naullutiinek pingkuvet akallaurtellren maligluku wall' ilavet ircaqumegteggun naullutelget.

Qaillun ircaqum naullutii aulukumaa?

Yungcaristvet iinrukiicugngaten ataucimek wall' amlernek FDA-m canrilkellrit iinrut ircaqum naullutii auluklerkaa wall' aarnaqucia. Allat ircaqum naullutai aulukumautllu yungcarcuutetgun ircaqum ikayutekaanek (ellimaluni tememun calillerkanun ircaqum) wall' cupluyagaq (cupluq ellimaluni augem ayallra assillerkaanun). Yungcaristvet ikayuaciqaten ca assirarkaucianek elpenun.

Ilagautelleq ircaqum assiringcalranun (assiringcaraq) kinguani ircaqum alqunaaqallra, ircaqum arulailra, wall' ircaqum pilagtullra arcaqertuq assirillerkamun. Ciulirqagtet naullutem tungiinun elisngalriit, ukut ilakluki:

- Cavvliungnaquralleq
- Elitnarluki makut assilrianek yuyaraq (assilrianek nerllerkaq), iinrut cikiuceten, cali qaillun kuinginermek taqenaqellren
- Elitnarluki nateqengnaqluki-llu assirillkaa naullutem

Ircaqum naullutii cali inriviit naspaatet

FDA-m cingumait ilagautelriit makunun iinrivignun. Umyuarnteqkuvet iinrivik assirarkaucianek, qalarusgu yungcaristen. Cali yuayugngauten iinrivignek wani **www.clinicaltrials.gov**.

Apyutengqerkuvet calricaram tungiinun, paqesgu **www.fda.gov/healthequity**.